



QUÆSTIO MEDICA.

QUODLIBETARIIS DISPUTATIONIBUS,
*manè discutienda in Scholis Medicorum, die Martis
septimâ Februarii.*

M. JOANNE CORDELLE, Doctore
Medico, Præside.

Dantur ne certa graviditatis signa?

I.

PERFECTIORA animalia quæ motu vitæ choream instituunt (& quo deficiente, quidquid in eis est abstrusum, sensibusque incompertum, aspectabile nobis, & obvium nunquam exhibetur) ex semine ortum habent, & maris & fœminæ sexu distinguuntur. Ab utroque etiam materiam quandam conferri oportet, in qua vis & potestas utriusque non modo, sed quasi compendium continetur existentiae, ut semine conjuncto (ne genus universum interciderat) tertium quoddam ejusdem speciei, quod perdurare, diu non poterat, in vicem generantis substituitur. Quemadmodum natura propaganda speciei, incredibili cupiditate studiosa, præter insitum omnibus generandi ardorem, eam partium structuram, eamque organorum fabricationem plenius adornavit; quibus Mas quidem in alio, non in se, Fœmina in se ipsa, non in alio generaret; cuncta sic Animantia, etiam si rationis expertia, atateque tenera, provident tamen non secus ac si prudentissima essent, ut (quod per materiam illis minime liceret) genus suum sit superstes mundoque coævum.

SUSCIP IENDÆ prolis gratia, dum Mas & fœmina generationis opus aggrediuntur, simul & eodem tempore, semina sua effundunt. Mas quidem in uteri cervicem, Fœmina vero in proprium uteri sinum; qui quidem uterus, mirâ adeo structurâ præditus est seminis virilis recondendi, ut illud statim ac emissum est, suscipiat, & in proprium sinum complectatur, ac foveat accuratè; ibique illa duo semina exquisitè uniuntur & permiscuntur, adeo ut ex duobus unum fiat, uterisque arctissime comprehendat, tamque pretiosum naturæ depositum ad tempus servandum constringatur, ac corrugetur. Illiusque orificium internum exquisitè adeo clauditur, ut nè graphii quidem mucronem, ut aiunt arcanorum naturæ scrutatores curiosi Anatomici, admittere queat. Utriusque semina ovorum si placet specie ficta, membranulis includuntur, & calore uteri foveantur, eorumque spirituum motus & calor suscitantur, & nunquam admiranda satis illa vis Plastica, in actum reducitur, & partes quæ antea quasi confusæ & inertes delitescabant in semine, sensim sine sensu explicantur, & in tam ornata, ac ordinata dispositione componuntur, ut tam perfectum ex illis producat opus, in quod *Τὸν πῖ* quasi sigillo obsignatum admirantur omnes.

I I I.

SE MINA à toto corpore sunt decidua, generationisque propriæ dictæ præcipua, jurè, appellantur fundamenta & elementa, ut partium delineatio, conformatio. In hoc quidem generationis opere quatuor tempora sapienter distingues; *γενή* dicitur quo tempore membranæ fœtum involventes explicantur; *Κύημα* cum nulla apparet delineatio, sed quasi massa informis; *Εμῆρπον* ubi delineatio perficitur; *Παιδίον* vero in quo exquisita partium descriptio & conformatio absolvitur. Multa quidem ad hominis conceptionem requiruntur; semen nempe fecundum, quod crassum & glutinosum esse debet, album, spumofum, temperatum, spirituum benignitate perfusum, in testibus probe elaboratum, ex sanguine ad eos affluente idoneo, ad fœtus partes producendas, non solum virtualiter ut ita dicam; sed etiam materialiter concurrens, quale profunditur à sanis, robustis, mediætate florentibus, nec præter modum veneri indulgentibus.

IN E P T I vero ad procreationem pueri censendi sunt, qui propter incrementum carent laudabili semine, Senes quibus ob caloris penuriam semen est languidum & frigidum, Ebrii propter superfluum humiditatem, Ægri propter virium infirmitatem. Bona temperies & symmetria partium genitalium, laudabilis quoque uteri structura & *dispositio* requiritur, quæ scilicet nec angustia, nec obstructione, nec contorsione, nec oris obliquitate impediatur; nec magis idoneum semen reperitur in his in quibus æstu immodico torreat, aut frigore torpescat, humoris copia obruat, aut denique siccitas aut defectus alimentorum corrumpat. Quibus accuratè perpensis, concubitus idoneum tempus, ne opus & oleum perdas, observabis diligenter, quod desinentibus menstruis, commodum reperies, cum prolis desiderio afficitur uterus. Tunc enim majori incensus voluptate, si maximè utriusque seminis fiat occurfus, tam charum avidè depositum amplexabitur, & ita coercebit, ut non modo uterus semen proleat, sed quasi in hoc solum acquiescat, exceptum foveat, & ad agendum sua sorte beatior excitet, unde soboles, quæ motu proprio, manifesta prodit.

V.

UNICUIQUE ergo parti cum sit actio propria, ut ventriculo chylosis, sic & utero conceptio, quæ simul arguitur infantis motu. Statim enim atque partes omnes in unum quasi concentum nexuit, cerebrumque ipsum quod postremum omnium absolvitur; quanquam ab initio rudimenta duxerit suæ conformationis, sensus facultatè, foetui non initio tam necessariâ, tandem illustratur: tunc maxime si lactis promptuarium mamillæ intumuerint, sanguis ad mulieris loculos affluerit: signa tanquam maturæ viro virginis prodeuntia; non secus ac si post veneris actum semen non exciderit, sanguis singulis mensibus externi solitus supprimatur, os uteri cum molitie conniveat, ventris primum depressio seu planities, tum tumor sine pondere, vultus pallor, oculorum albicantium cavitas, palpebrarum gravitas, inguinum tumor appareant; nausea, pica, malacia, animi deliquia, urinæ albicantes & perspicuæ, ac nebulae lanæ tenuiter carptæ similes, pulsus vehementia, corporis torpor, ingens ad somnum proclivitas. Verum illis certiora sunt

lactis generatio in mammarum glandulis, in quibus congenita est vis γαλακτοποιητικὴ non secus ac σπερματοποιητικὴ testibus, portione chyli & sanguinis alendo fœtui idoneo ad eas confluyente, unde lac fit alendo fœtui exituro perfectissimum alimentum. Graviditatis autem τεκμήριον si ad uteri regionem manum calidam molliter admoveris, motumque lenem, blandum, ordinatum ac vitalem perceperis, quo venter inferior impellatur & inæqualiter attollatur.

Ergo certa dantur graviditatis signa.

Domini Doctores disputaturi.

M. Alexander Petrus Matrot.	M. Alexius de Littré.	M. Petrus Pourret, unici Fratris Regis Medicus ordin.
M. Claudius Bourdelin.	M. Philippus Ignatius Savi.	M. Antonius de Caën.
M. Joannes Franciscus Foy-Vaillant.	M. Petrus-Joannes Burette.	M. Dionysius Dedart.

Proponebat Parisiis MATHÆUS DIONYSIUS FOURNIER,
Parisiensis, Baccalaureus Medicus. A. R. S. H. 1696.

Apud Franciscum Muguet, Regis & Facultatis Medicinæ Typographum.